

古丰识略

合
丰
知
略

聖祖親征準噶爾記

聖祖親征準噶爾記

厄魯特亦蒙古也元之亡蒙古分為三大部漠南蒙

古漠北喀爾喀蒙古皆成吉斯汗之裔元太祖國人稱之曰成吉

思汗成或作欽或作青皆音之轉惟居西域者非元太祖後出脫歡

太師及也先瓦剌可汗之裔是為厄魯特四衛拉蒙

古衛拉即瓦剌之轉音

國初惟漠南蒙古早結和親而喀爾喀厄魯特兩大

部皆雄長西北間通使間入寇順治中

王師方定中原未遑遠畧於是厄魯特吞噬西北日

漸强大初厄魯特四衛拉部曰綽羅斯牧伊犁曰都

爾伯特牧額爾齊斯曰土爾扈特牧雅爾

即塔爾巴哈台

曰

和碩特牧烏魯木齊和碩特固始汗於明末襲據青海又以兵入藏滅藏巴汗而有其喀木之地綽羅斯特則據伊犁兼脅旁部與喀爾喀隣勢俱張甚康熙中綽羅斯渾台吉死子僧格立僧格死子索諾木阿拉布坦立僧格弟噶爾丹殺之自立為準噶爾汗旋取青海和碩特車臣汗女而襲殺車臣汗

即鄂齊圖

兼有

四衛拉特復南催回部城郭諸國盡下之威令至衛

藏則又思北并喀爾喀乃自伊犁東徙帳河爾泰山

并使杜爾伯特部眾屯田且耕且牧以峙其食會喀

爾喀土謝圖汗執殺札薩克圖汗而奪其妾三部內
闕我

朝遣使偕西藏達賴之使和解三部噶爾丹使其族
人多爾濟札布隨而覘之故使嫚罵土謝圖汗以激
其怒土謝圖汗果執殺之噶爾丹遂藉詞報復揚言
借俄羅斯兵且至喀爾喀探之無其事守備懈而噶
爾丹言之不已喀爾喀益不信噶爾丹潛遣刺麻干
人游牧其地喀爾喀亦不以為意也二十七年夏噶
爾丹領勁騎三萬逾杭愛山突襲其帳游牧刺麻從
中應之土謝圖汗倉卒潰遁其子噶爾丹台吉拒戰

大敗傾國東走逢遇我使臣張鵬翮等往俄羅斯經
其東部車臣汗地喀爾喀遣使乞援即揚言大國兵
來救已於是噶爾丹亦具書來使臣具檄曉諭之噶
爾丹知我兵不為喀爾喀也復踐之并擊破其鄰部
右翼車臣汗左翼札薩克圖汗又劫其大刺麻哲卜
尊丹巴胡圖克圖之帳於是土謝圖等三汗部落數
十萬眾盡棄牲畜帳膜分路東奔於九月投漠南款
關乞降

聖祖命尚書阿爾尼等發歸化城獨石張家二口倉
儲并賜茶布牲畜十餘萬以贍之暫借料爾沁水草

地使游牧噶爾丹亦遣使入貢

上勅其率眾西歸還喀爾喀侵地噶爾丹既兼有回
部青海漠北則益驕蹇不奉命踞喀爾喀王庭徵諸
屬國控弦之士數十萬二十九年以追喀爾喀為名
選銳東犯五月侵及烏爾會河尚書阿爾尼以蒙古
兵擊之而令喀爾喀奪還所掠牲畜喀爾喀貪利爭
取陣遂亂反為厄魯特所敗乘勝東趨內札薩克蒙
古地方是時

朝廷已平三藩定隴蜀收臺灣和鄂羅斯天下無事
聖祖以噶爾丹勢熾既入犯其志不在小且喀爾喀

不可使無故地游牧也六月集大臣於朝下詔

親征命撫遠大將軍裕親王福全為左翼皇子允禔

副之出古北口安北大將軍恭親王常寧為右翼出

喜峯口右翼兵遇賊烏朱穆秦戰復不利收軍準噶

爾遂乘勝長驅而南

烏朱穆秦亦內蒙古部落之一在盛京西界距古北口九百餘

里秦一深入烏闌布通距京師七百里乃止右翼兵

命康親王傑書等屯歸化城要其歸路八月朔我撫

遠大將軍遇賊於烏闌布通噶爾丹遣使來言追喀

爾喀讐言人闌入中國汎界非敢妄行請執土謝圖汗

及其弟哲卜尊丹巴大刺麻界我即當班師翼日我

軍進擊大戰于烏闌布通賊騎數萬陣山下依林阻
水以萬駝縛足卧地背加箱垛蒙以濕氈環列如柵
士卒於垛隙發矢銃備鈎距謂之駝城我師隔河而
陣以火器為前列遙攻中堅聲震天地自哺至暮駝
斃於礮頽且仆陣斷為二步騎爭先陷陣左翼兵又
遠山橫擊遂破其壘賊乘夜走保高險翼日遣西藏
刺麻濟隆來軍卑詞乞和奏聞

詔連進兵無墮賊計而噶爾丹不俟報即拔營由克
什克騰部之什拉穆楞河載木橫渡越大磧山宵遁
所過皆燒荒以絕追騎逾數日我師輕騎追之已不

及噶爾丹中途遣使獻書頂威靈佛誓不犯邊并具
疏謝罪料爾沁土謝圖親王謀羈留之而噶爾丹逸
不止且盡失員駝無輜重狂奔絕漠而北沿途飢踣
死亡得還料布多者僅數千人時

上偶不豫自博洛河屯回鑿諸將不及奉進止而歸
化城西路兵及料爾沁蒙古兵以奉裕親王講和之
令遂不復邀擊信郡王劾裕親王不乘勝追剿反檄
止蘇爾達等進兵致窮寇竄逸

上以功過相兼薄其罰有言料爾沁土謝圖親王通
於噶爾丹陰縱之去者

上亦不之疑也八月班師回鑿三十一年五月噶爾丹遣使至歸化城聲言入貢男婦接踵至者幾二千將軍費揚古遣兵迎詰且逼之

詔責還其使三十三年約噶爾丹來會盟不報而遣兵侵掠喀爾喀益甚屢書索土謝圖汗及哲卜尊丹

巴大喇麻益急且害我使臣

特噶爾丹兄子策妄拉布坦為噶爾丹所迫遣

使入貢故我遣使報之

而陰遣使誘內蒙古各部叛歸已科爾

沁土謝圖王以聞

上以前此烏闡布通之役賊幾可滅我師坐失機會欲復致其來一戰覆之乃密令復書偽許內應而預

調士馬芻糧以待三十四年噶爾丹果率騎三萬入
寇沿克魯倫河而下侵掠至巴顏烏闌自秋徂冬據
之不去亦不犯漠南遣使往激之賊令使者徒步歸
且大言借俄羅斯烏槍兵六萬將大舉內犯蓋以前
敗由火器不如中國故佯假西洋火器以張其軍其
實俄羅斯并無意助寇且噶爾丹懲前敗亦未敢深
入送死也明年春

上復禡牙親征皇太子留守京師命將軍薩布素率
東三省兵出東路過其衝大將軍費揚古振武將軍
孫思克等率陝甘兵出寧夏西路邀其歸

上親統禁旅由獨石口出中路皆赴瀚海而北約期
夾攻沙磧不宜車乃留大礮惟駝子母礮以行每駐
營

上親拊士卒相水草軍行瀚海泉溢芻生五月遂由
科圖進徧賊境而東路軍尚未至西路軍亦奏言賊
盡焚草地我軍迂道秣馬糧運沮雨師行七十餘日
士馬餒困乞

上緩軍以待途次復有傳鄂羅斯助兵之信大學士
伊桑阿等力請回鑾

上怒曰朕祭告天地宗廟出征不見賊而返何以對

天下且大軍退則賊盡銳注西路西路軍不其殆乎
遂率兵疾趨克魯倫河手繪陣圖指示方畧從行王
大臣有言宜俟西路兵至而合擊者有言宜出其不
意直前突擊者有言宜遣使告以駕至俟其驚擾而
後乘之者

上命諸皇子議之定計遣使噶爾丹尚不信登北孟
納蘭山望見

御營黃幄龍轟環以幔城又外為網城軍容山立大
驚拔營宵遁翌日大軍至河則北岸已無一帳克魯
倫河者起車臣汗西界東北近黑龍江橫亘瀚海東

北二千里乃內外蒙古之界也

上初意賊必扼河拒戰故兩路出師攻其腹背及是知賊已喪膽遂命領侍衛內大臣馬思哈搜討巴顏烏闌近地

上親率前鋒追之三日至拖諾山不及而還命內大臣明珠盡運中路之糧以濟西師賊奔馳五晝夜中途欲拒戰於拖諾山而眾奔不能止沿途遺老弱輜重及漿渾脫無算適我西路兵邀之於昭莫多昭莫多者蒙古語大樹林也即明祖破阿魯台地在肯特嶺之南土臘河之北汗山之東平曠饒水草回望大

嶺千仞如屏為自古漢北戰場時敵軍至者僅萬然
皆百戰之賊我師飢疲馬僵其半士多徒步費揚古
等議馬力不能馳擊非反客為主以逸待勞不可距
敵三十里即止營其地有小山三面皆距河林木茂
奮可設伏先遣前鋒兵四百且戰且却誘賊至昭莫
多費揚古率左右翼步騎先據小山陣於東餘沿土
臘河陣於西兼備林中伏賊遵

上所授方畧各兵皆下馬步戰約聞角聲始上馬將
軍孫思克以綠旗步兵居中據山頂臨之賊爭山頂
鋒甚銳我兵據險俯擊弩銃迭發藤牌繼之每進輒

以拒馬木列前自固

趙氏記謂以拒馬木擁於後示必死云云按拒馬木皆列于前所以制敵騎之衝突即衛青武剛車自環之意先為不可勝以待敵之可勝也兵入敵境不患不致死無列於後之理

賊冒矢銃鏖戰至暮不退人人如怒虎林木皆震費揚古遙望賊陣後人馬不動必其婦女駝畜也乃麾沿河伏騎一橫衝入陣一襲其後輜重山上軍奮呼夾擊賊始潰敗乘夜追北三十餘里天明收軍斬數千級降三千獲馬駝牛羊廬帳器械無算并殪其可